

INTERVJU Ambasador Japana u BiH Makoto Ito

Uživam u čeva pčićima i pivu

Jedna od sličnosti je njegovanje porodičnih veza • Politička situacija u BiH je dosta složena • Govori japanski, engleski jezik, poljski i španski jezik

Razgovara: **Alena JAVOR-IBRAHIMČEVIĆ**

Sredinom decembra prošle godine, unučavanjem akreditivnih pisama tadašnjem predsjedavajućem Predsjedništva BiH Miloradu Dodiku, Makoto Ito imenovan je za novog ambasadora Japana u našoj zemlji. Daleku Aziju zamijenio je Sarajevom i, kako ističe, uživa u njegovom šarmu.

Ima sličnosti

U intervjuu za „Dnevni avaz“ Ito ističe da je impresioniran prirodom – planinama, rijekama i morem u našoj zemlji. Ta-

kođer dodaje da on i njegova supruga zaista cijene ovdašnje ljude, pogotovo što su gostoprimitelji.

□ **Koronavirus je, na neki način, usporio život. Kako se provodi ovo vrijeme, posebno ovaj period kada je bila na snazi zabrana izlaska u večernjim satima?**

– Nakon posla vlačam se u svoju rezidenciju te provodim vrijeme sa suprugom, gledajući vijesti, filmove i Netflix. Također, volim slušati klasičnu i džez muziku te čitati knjige i novele.

□ **U našoj zemlji se gotovo godinu. Koje su sličnosti između Bosanaca i Japanaca?**

– Primijetio sam mnogo sličnosti između naša dva naroda, kao što su radnost, njegovanje porodičnih veza, kao i poštovanje prema stariji-

ma. Osim toga, oba naroda vole prirodu i sport.

□ **Šta je to što možemo naučiti od Japanaca?**

– Od kraja Drugog svjetskog rata, tokom posljednjih 76 godina, moja zemlja se stalno razvija i obnavlja, i to predanim radom našeg naroda te uz podršku međunarodne zajednice. Na taj način uspjeli smo postići mir i demokratiju. Želimo naše znanje i iskustvo podijeliti s narodima u Bosni i Hercegovini.

Učiti sve

□ **Kako biste, iz ugla diplomate, ocijenili trenutnu političku situaciju u BiH?**

– Primijetio sam da je, i nakon 26 godina od završetka konflikta, politička situacija u BiH dosta složena. Ipak, kao ambasador Japana, želim učiniti sve što je u mojoj

moći za unapređenje međusobnog razumijevanja te društvenog i ekonomskog razvoja.

□ **Šta je budućni plan za saradnju između BiH i Japana?**

– Glavni stubovi japanske ekonomske pomoći su obrazovanje, zdravstvo, zaštita okoliša i prevencija prirodnih katastrofa. U ime japanske vlade i Ambasade, u saradnji s JICA-om (Japanska međunarodna agencija za saradnju), nastavljamo pružati pomoć u spomenutim sektorima.

Veoma bitno

□ **Možete li izdvojiti kulturne ili neke druge događaje u BiH koji su na Vas ostavili utisak u ovom periodu otkad ste ovdje?**

– Veoma sam uživao tokom Olimpijskog dana održanog u Tesliću prošlog ljeta, u društvu lokalnog stanovništva i djece. Igrali smo skupa ping-pong i promovirali Olimpijske igre u Tokiju. Također, bio sam impresioniran Sarajevu Film Festivalom, kada su kulturna dešavanja na visokom nivou, dolaze gosti iz Bosne i Hercegovine i regiona. Za mene je bilo veoma bitno i učesće na komemoraciji u Srebrenici u julu ove godine.

□ **Kada je u pitanju hrana, gastronomija, koja biste jela ili pića izdvojili kao ona koja biste mogli često konzumirati?**

– Ima mnogo ukusnih jela. Među ostalim, uživam u veoma ukusnim čevapčićima, uz također odlično lokalno pivo. Uz večeru obično pijem hercegovačka vina, blašnu i žilavku. Ova vina su zaista odlična, japanski ministar vanjskih poslova Moteši ih je probao tokom nedavne posjete BiH i veoma su mu se svidjela.

□ **Kako se snalazite s bosanskim jezikom? Koje još jezike govorite?**

– Nažalost, ne govorim lokalni jezik. Ipak, želio bih ga naučiti. Govorim japanski, moj maternji, te engleski jezik. Tokom svoje diplomatske karijere imao sam priliku naučiti poljski i španski jezik.



Japanski začini

□ **Bez kojeg japanskog proizvoda ne možete?**

– Potpuno ovisimo o uvozu japanskih proizvoda ovdje, a za nas su najbitniji tipični japanski začini i drugi sastojci koji su potrebni za pripremu japanske hrane.



U slobodno vrijeme voli trčati

Il: Znanje i iskustvo želi podijeliti s narodima u BiH